

ხელშეკრულება სახელმწიფო შესყიდვის შესახებ № 16

ქ.ჯვარი

28 თებერვალი 2020 წ.

ერთი მხრივ, **სსიპ კოლეჯი „ლაკადა“**, წარმოდგენილი მისი დირექტორის მ/შ თეანა ქუხილავას სახით (შემდგომში - შემსყიდველი),
მისამართი: ქ. ჯვარი, ყაზბეგის ქ. №2;
საიდენტიფიკაციო კოდი: 242728679
ტელეფონის ნომერი: 595 50 67 32
საბანკო რეკვიზიტები: სახელმწიფო ხაზინა
ბანკის კოდი: TRESGE22

და მეორე მხრივ **შპს თი აი ეი ჯი აუდიტესკორტი** წარმოდგენილი მისი დირექტორის ზუბიკო შავდათუაშვილი სახით (შემდგომში - მიმწოდებელი),
მისამართი: ქ. თბილისი, დოლიძის 28-ე კორპუსი ბინა 1
საიდენტიფიკაციო
კოდი: №205229439
ტელეფონის ნომერი: 597700199
საბანკო რეკვიზიტები: სს თიბისი ბანკი
ბანკის კოდი: TBCBGE22
ანგარიშის ნომერი: GE70TB7482436020100002

შემდგომში თითოეული ცალ-ცალკე წოდებული, როგორც „მხარე“, ხოლო ერთობლივად წოდებულნი, როგორც „მხარეები“,

„სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 4 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის (NAT200003135) შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

1. ხელშეკრულებაში გამოყენებულ ტერმინთა განმარტებები:

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) _ შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ _ საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ _ კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს შესყიდვის ობიექტის მოწოდებას ხელშეკრულების

2. შესყიდვის ობიექტის დასახელება და შესაბამისი CPV კოდი

- 2.1. ხელშეკრულებით გათვალისწინებულ შესყიდვის ობიექტს წარმოადგენს ქ. ჯვარში, საერთო საცხოვრებელ კორპუსში შესრულებული სხვადასხვა სახის სამშენებლო-სარეაბილიტაციო სამუშაოების დეტალური ექსპერტიზა/ინსპექტირება (შემდგომში მომსახურება);
- 2.2. ამ მუხლის 2.1. პუნქტით გათვალისწინებული შესყიდვის ობიექტის CPV კოდია: 71319000 - საექსპერტომომსახურება.

3. ხელშეკრულების ღირებულება

- 3.1. ხელშეკრულების ღირებულება შეადგენს - 30 000.00 (ოცდაათი ათასი) ლარი;
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადს;
- 3.3. დაფინანსების წყარო: საკუთარი სახსრები.

4. შესყიდვის ობიექტის მიწოდების ვადა და პირობები:

- 4.1. მიმწოდებლის მიერ, შემსყიდველისათვის ექსპერტიზის დასკვნის/ინსპექტირების ანგარიშის წარდგენის ვადა განისაზღვრება ხელშეკრულების გაფორმებიდან 15 (თხუთმეტი) სამუშაო დღით, წინამდებარე ხელშეკრულების მე-9 მუხლში გადმოცემული პირობების გათვალისწინებით;
- 4.2. მიმწოდებელი ექსპერტიზის დასკვნას/ინსპექტირების ანგარიშს შემსყიდველს გადასცემს ბეჭდური და ელექტრონული (pdf ფაილი) ვერსიის სახით.

5. ხელშეკრულების შესრულების კონტროლი:

შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს ინსპექტირება (მონიტორინგი) მიმწოდებლის მიერ ნაკისრი ვალდებულებების ჯეროვანი შესრულების მიმდინარეობაზე;

6. შესყიდვის ობიექტის მიღება ჩაბარების წესი:

- 6.1. შესყიდვის ობიექტის მიღება-ჩაბარება ფორმდება მიღება-ჩაბარების აქტით;
- 6.2. მიღება-ჩაბარების აქტი მხარეთა შორის გაფორმდება მომსახურების გაწევის შემდეგ, შემსყიდველის მიერ განსაზღვრული ხელშეკრულების შესრულების კონტროლის განმახორციელებელი პირ(ებ)ის მიერ შედგენილი ინსპექტირების დასკვნის საფუძველზე.

7. ანგარიშსწორების ფორმა, ვადები და პირობები:

- 7.1. ანგარიშსწორება განხორციელდება შემდეგი პირობებით:
 - 7.1.1. ანგარიშსწორების ვალუტა - ლარი;
 - 7.1.2. ანგარიშსწორების ფორმა - უნაღდო, ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 7.2 ანგარიშსწორება განხორციელდება გაწეული მომსახურების მიხედვით, დანართი N1 - ფასების ცხრილის შესაბამისად, მხარეთა შორის გაფორმებული მიღება-ჩაბარების აქტის და მიმწოდებლის მიერ წარმოდგენილი ანგარიშფაქტურის საფუძველზე, დოკუმენტების სრულყოფილად გაფორმებიდან არაუგვიანეს 15(თხუთმეტი) სამუშაო დღის განმავლობაში.

8. ხელშეკრულების პირობების შეუსრულებლობა

- 8.1. მხარეთა მიერ ხელშეკრულებით ნაკისრი ვალდებულებების შესრულების ვადის გადაცილებისათვის მხარეს დაეკისრება პირგასამტეხლო ყოველ ვადაგადაცილებულ დღეზე ხელშეკრულების ჯამური ღირებულების 0,1%-ს ოდენობით;
- 8.2. დამრღვევი მხარე ვალდებულია მეორე მხარის მოთხოვნიდან 5 (ხუთი) სამუშაო დღის ვადაში გადაიხადოს დაკისრებული პირგასამტეხლო;
- 8.3. პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან;
- 8.4. წინამდებარე ხელშეკრულების 8.1. პუნქტის საფუძველზე დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია მიმწოდებელს გაწეული მომსახურების ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად;
- 8.5. იმ შემთხვევაში, თუ დაკისრებული პირგასამტეხლოს ჯამური ღირებულება გადააჭარბებს ხელშეკრულების ჯამური ღირებულების 1%-ს შემსყიდველი იტოვებს უფლებას ცალმხრივად შეწყვიტოს ხელშეკრულება და მიმწოდებელს მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება;
- 8.6. მიმწოდებლის მიერ ხელშეკრულებით გათვალისწინებული პირობების შეუსრულებლობით ან არაჯეროვანი შესრულებით მესამე პირისათვის მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს;
- 8.7. მიმწოდებლის მიერ ხელშეკრულებით გათვალისწინებული ვალდებულებებისა და პირობების შეუსრულებლობით/არაჯეროვანი შესრულებით შემსყიდველისათვის მიყენებული ნებისმიერი სახის

ზიანის ანაზღაურების ვალდებულება ეკისრება მიმწოდებელს;

8.8. მიმწოდებლის მიერ ჩადენილი საქართველოს ადმინისტრაციული სამართალდარღვევათა კოდექსით გათვალისწინებული ქმედებისათვის პასუხისმგებლობა ეკისრება მიმწოდებელს;

9. მხარეთა უფლებები და ვალდებულებები:

9.1. „მიმწოდებელი“ ვალდებულია:

9.1.1. მომსახურების გაწევის პერიოდში, დროულად, მაგრამ არაუგვიანეს საპროექტო-სახარჯთაღრიცხვო დოკუმენტაციის წარდგენიდან, 5 (ხუთი) სამუშაო დღეში აცნობოს შემსყიდველს დამატებითი მასალების წარმოდგენის საჭიროების შესახებ. ათვლა დაიწყება შემსყიდველის მიერ დამატებითი დოკუმენტების სრულად წარმოდგენის დღიდან.

9.1.2. დამატებითი მასალების სრულად წარმოდგენის შემდეგ, საპროექტო-სახარჯთაღრიცხვო დოკუმენტაციაში ხარვეზების/შენიშვნების არსებობის შემთხვევაში, ხელშეკრულების 4.1 პუნქტით გათვალისწინებულ ვადაში გაიცემა უარყოფითი საექსპერტო დასკვნა/ინსპექტირების ანგარიში პროექტის თოთოეულ ნაწილზე და ხარჯთაღრიცხვაზე. ხარვეზების/შენიშვნების გათვალისწინებით კორექტირებული საპროექტო-სახარჯთაღრიცხვო დოკუმენტაციის წარმოდგენის დღემდე, ექსპერტიზის/ინსპექტირების ჩატარების ვადის დინება ჩერდება. ვადის განახლების შემდეგ, კორექტირებულ საპროექტო-სახარჯთაღრიცხვო დოკუმენტაციაზე საექსპერტო დასკვნა/ინსპექტირების ანგარიში პროექტის თოთოეულ ნაწილზე და ხარჯთაღრიცხვაზე გაიცემა 7 (შვიდი) სამუშაო დღეში. მოცემული წესი გამოიყენება უარყოფითი ექსპერტიზის დასკვნის/ინსპექტირების ანგარიშის გაცემის შემთხვევაში, როდესაც სრულად არ არის გამოსწორებული ექსპერტიზის/ინსპექტირების შედეგად გამოვლენილი შენიშვნები/ხარვეზები.

9.1.3. საპროექტო-სახარჯთაღრიცხვო დოკუმენტაციაში ხარვეზების/შენიშვნების არსებობის შემთხვევაში, ანაზღაურებას ექვემდებარება მიმწოდებლის მიერ გაცემული პირველადი საექსპერტო დასკვნა; ასეთ შემთხვევაში შემსყიდველის მიერ კორექტირებული საექსპერტო დოკუმენტაციის წარდგენის შემდეგ, მიმწოდებელი ვალდებულია კორექტირებული დოკუმენტაციის ხელმოწერა ექსპერტიზა განახორციელოს დამატებითი ანაზღაურების გარეშე;

9.1.4. მოთხოვნა შემსყიდველს საჭირო დამატებითი მასალების წარმოდგენაზე ან/და არსებულ შენიშვნებზე აცნობოს წერილობითი ფორმით და ელექტრონული ფოსტის საშუალებით;

9.1.5. გასწიოს მომსახურება მაღალი ხარისხით, ქვეყანაში მოქმედი სტანდარტების შესაბამისად;

9.1.6. საკუთარი ხარჯით უზრუნველყოს შესყიდვის ობიექტის ნაკლის (მათ შორის, ხელშეკრულების მოქმედების ვადის გასვლის შემდეგ გამოვლენილი ნაკლის) აღმოფხვრა; 5 (ხუთი) სამუშაო დღეში.

9.1.7. სრულყოფილად შეისწავლოს საექსპერტო დოკუმენტაცია და წინამდებარე ხელშეკრულების 4.1 პუნქტით გათვალისწინებულ ვადაში შედგენილ დასკვნაში სრულად ასახოს ყველა ხარვეზი/შენიშვნა, რომლის გამოსწორების გარეშე შეუძლებელი იქნება დადებითი საექსპერტო დასკვნის გაცემა, ასეთის არსებობის შემთხვევაში;

9.1.8. იმ შემთხვევაში, თუ შემსყიდველის მიერ დამატებით წარდგენილი კორექტირებული დოკუმენტაციის განხილვის შემდეგ, მიმწოდებელი შეადგენს უარყოფით საექსპერტო დასკვნას, იმ ხარვეზების/შენიშვნების მითითებით, რომელთა გამოვლენაც შესაძლებელი იყო საპროექტო დოკუმენტაციის პირველადი შესწავლისას, მიმწოდებელს დაეკისრება პირგასამტეხლო 500 (ხუთასი) ლარის ოდენობით.

9.2 „შემსყიდველი“ ვალდებულია:

9.2.1. უზრუნველყოს ფაქტიურად გაწეული მომსახურების ღირებულების ანაზღაურება ხელშეკრულების პირობების შესაბამისად;

9.2.2. მოთხოვნა დამატებითი საჭირო მასალების წარმოდგენაზე განახორციელოს წერილობითი ფორმით და ელექტრონული ფოსტის საშუალებით;

9.3 „მიმწოდებელს“ უფლება აქვს:

9.3.1 მოითხოვოს ფაქტობრივად გაწეული მომსახურების ღირებულების დროული და სრული ანაზღაურება ხელშეკრულების პირობების მიხედვით;

9.4. „შემსყიდველს“ უფლება აქვს:

9.4.1 აწარმოოს მოწოდებული შესყიდვის ობიექტის ხარისხის კონტროლი.

10. კონფიდენციალობის დაცვა:

10.1 მიმწოდებელი ვალდებულია დაიცვას და არ გაამჟღავნოს კონფიდენციალური ინფორმაცია, რომელიც ცნობილი გახდება მისთვის მომსახურების გაწევის დროს;

10.2 კონფიდენციალური ინფორმაცია, რომელიც მეორე მხარისთვის ცნობილი გახდა ხელშეკრულების შესრულებისას, არ ექვემდებარება მესამე მხარისთვის გადაცემას ან გამოქვეყნებას მეორე მხარესთან შეთანხმების გარეშე. აღნიშნული ინფორმაციის გავრცელების შემთხვევაში, სახელშეკრულებო პირობის დამრღვევ მხარეს ეკისრება პასუხისმგებლობა კანონმდებლობის შესაბამისად.;

10.3 კონფიდენციალურად ითვლება ზოგადი ადმინისტრაციული კოდექსის 271 და 27II მუხლებით გათვალისწინებული პერსონალური და კომერციული ინფორმაცია. კერძოდ, პერსონალური ინფორმაციად მიიჩნევა ნებისმიერი ინფორმაცია, რომელიც უკავშირდება იდენტიფიცირებულ ან იდენტიფიცირებად ფიზიკურ პირს. პირი იდენტიფიცირებადია, როდესაც შესაძლებელია მისი იდენტიფიცირება პირდაპირ ან არაპირდაპირ, კერძოდ, საიდენტიფიკაციო ნომრით ან პირის მახასიათებელი ფიზიკური, ფიზიოლოგიური, ფსიქოლოგიური, ეკონომიკური, კულტურული ან სოციალური ნიშნებით, კომერციულ საიდუმლოებად მიიჩნევა, ინფორმაცია კომერციული ფასეულობის მქონე გეგმის, ფორმულის, პროცესის, საშუალების თაობაზე ან ნებისმიერი სხვა ინფორმაცია, რომელიც გამოიყენება საქონლის საწარმოებლად, მოსამზადებლად, გადასამუშავებლად ან მომსახურების გასაწევად, ან/და რომელიც წარმოადგენს სიახლეს ან ტექნიკური შემოქმედების მნიშვნელოვან შედეგს, აგრეთვე სხვა ინფორმაცია, რომლის გამჟღავნებამ შესაძლოა ზიანი მიაყენოს პირის კონკურენტუნარიანობას.

11. ხელშეკრულებაში ცვლილების შეტანა და ხელშეკრულების შეწყვეტა:

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა წერილობითი შეთანხმებით;

11.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

11.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით.

11.4 თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს ხელშეკრულებიდან მის მიერ განსაზღვრული გონივრული დამატებითი ვადის უშედეგოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით.

11.5 ხელშეკრულება შეიძლება შეწყდეს მხარეთა წერილობითი ურთიერთშეთანხმებით ან/და საქართველოს კანონმდებლობით დადგენილ სხვა შემთხვევებში.

12. მხარეთა კომუნიკაციის პირობები:

12.1. მხარეები ერთმანეთის ინფორმირებას ახდენენ ამ მუხლში მითითებული ელექტრონული ფოსტის მეშვეობით, სატელეფონო ან/და წერილობით.

12.2. ხელშეკრულების პირობების შესრულებასთან დაკავშირებულ საკითხებზე მხარეთა უფლებამოსილი პირები არიან: შემსყიდველის მხრიდან თეანა ქუხილავა (ტელ.: 595 50 67 32 ელფოსტა: ssipivari@gmail.com); მიმწოდებლის მხრიდან ზუბიკო შავდათუაშვილი (ტელ.: 597700199 ელფოსტა: ioauditescort@gmail.com).

12.3. მიმწოდებელი ვალდებულია, შემსყიდველთან ნებისმიერი სახის კომუნიკაცია აწარმოოს მხოლოდ წერილობით.

12.4. შემსყიდველის მხრიდან მიმწოდებელთან კომუნიკაცია შესაძლებელია განხორციელდეს როგორც ამ მუხლში მითითებულ ელფოსტაზე გზავნილით, ისევე ამავე მუხლში მითითებულ უფლებამოსილ პირთან სატელეფონო კომუნიკაციითა და/ან წერილობით. ყველა ამ ფორმით გადაცემული ინფორმაცია ოფიციალურ ძალას ატარებს.

12.5. მიმწოდებელი ვალდებულია, წინამდებარე მუხლში მითითებული მონაცემების ცვლილების შესახებ დაუყოვნებლივ აცნობოს შემსყიდველს. წინააღმდეგ შემთხვევაში, გაგზავნილი ინფორმაცია ჩაითვლება სათანადო წესით მიწოდებულად.

13. ფორს-მაჟორი:

13.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორულიმდგომარეობით.

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის

შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

13.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

14. დავები და მათი გადაწყვეტის წესი :

14.1 ხელშეკრულება დადებულია და განიმარტება საქართველოს კანონმდებლობის შესაბამისად.

14.2 ხელშეკრულების მოქმედების პერიოდში წარმოშობილი დავა გადაწყდება ურთიერთშეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა:

ხელშეკრულება ძალაში შედის ხელშეკრულების ხელმოწერიდან და მოქმედებს 2020 წლის 30 აპრილამდე.

„შემსყიდველი“

სსიპ კოლეჯი „ლაკადა“-ს
დირექტორის მ/შ თეანა ქუხიალვა

„მიმწოდებელი“

შპს თი აი ეი ჯი აუდიტესკორტი-ს
დირექტორი: ზუბიკო შავდათუაშვილი